

ԲՈՎԱՆԴԱԿՈՒԹՅՈՒՆ

1. Հարկային և մաքսային օրենսդրության նորություններ

2

1.1 Օրենքներ -----	2
1.2 ՀՀ կառավարության որոշումներ -----	2
1.3 Պաշտոնական պարզաբանումներ, հրահանգներ -----	3

2. Հարակից (տնտեսական) օրենսդրության նշանակալի փոփոխություններ

4

3. Հարկային և մաքսային վարչարության ներքին դրվագներ

5

3.1 Ծրագրեր և կատարողականություն -----	5
3.2 Ակնարկ գանգատարկումների և ծառայողական քննությունների -----	7
3.3 Ուսուցում, մրցույթ և առաջխաղացում -----	7
3.4 Հետադարձ կապ, մամուլի արձագանքներ և «թեժ գծի» վերլուծություն -----	7
3.5 Հարկային և մաքսային թվերի համառոտագիր -----	8

1. ՀԱՐԿԱՅԻՆ ԵՎ ՄԱՔՍԱՅԻՆ ՕՐԵՆՍԴՐՈՒԹՅԱՆ ՆՈՐՈՒԹՅՈՒՆՆԵՐ

1.1 | Օրենքներ

Փաստաթուղթ	«Հարկերի մասին» Հայաստանի Հանրապետության օրենքում փոփոխություն կատարելու մասին» ՀՀ օրենք
Ամսաթիվը և համարը	26 ապրիլի 2010թ, ԶՕ-46-Ն
Հրապարակումը	ՀՀ պաշտոնական տեղեկագիր № 21(755), 19.05.2010թ.
Ուժի մեջ ե	Պաշտոնական հրապարակմանը հաջորդող օրվանից

Համառոտ նկարագիր

Օրենքում կատարված փոփոխությամբ ուժը կորցրած են ճանաչվում նույն օրենքի 20-րդ հոդվածի վերջին պարբերությունը՝ ՀՀ-ում արտադրվող ԱՏԳ ԱՀ 2009, 2201, 2202, 2203 ծածկագրերին դասվող ապրանքների արտադրության ծավալների հաշվառման վերաբերյալ, և 28.6-րդ հոդվածը՝ ՀՀ-ում

ԱՏԳ ԱՀ 2009, 2201, 2202, 2203 ծածկագրերին դասվող ապրանքատեսակների արտադրության համար սահմանված ծախսաչփային հանգույցները չկիրառելու և վերջիններիս շահագործման կանոնները խախտելու համար կիրառվող պատասխանատվության վերաբերյալ:

1.2 | ՀՀ կառավարության որոշումներ

Փաստաթուղթ	«Հայաստանի Հանրապետության կառավարության 2006 թվականի օգոստոսի 18-ի N 1342-Ն որոշման մեջ լրացնելու կատարելու մասին» ՀՀ կառավարության որոշում
Ամսաթիվը և համարը	22 ապրիլի 2010թ, N 429-Ն
Հրապարակումը	ՀՀ պաշտոնական տեղեկագիր № 18(752), 05.05.2010թ.
Ուժի մեջ ե	Պաշտոնական հրապարակմանը հաջորդող օրվանից

Համառոտ նկարագիր

Որոշմամբ հաստատվում է նաև Հայաստանյայց Առաքելական Սուրբ Եկեղեցու՝ այլ երկրների թեմերում Մայր Աթոռ Սուրբ Էջմիածնի կողմից հոգևոր ծառայության նշանակված քաղաքացիների կողմից ծառայության ավարտից հետո **առանց մաքսատուրքի վճարման** ներմուծվող գույքի բնահրային չափերը սահմանելու կարգը:



օրինակ և տեղաբաշխել շահագրգիռ մարմիններին՝ միաժամանակ ապահովելով հաշվետվության անգլերեն լեզվով տպագրումը և բաշխումը (50 օրինակ):

2. | Մշակվել և ՀՀ ԿՎ ՊԵԿ Նախագահի 20.05.10թ. թիվ 825-Ն հրամանով հաստատվել է հարկային մարմնի ներկայացուցիչների կողմից հարկային հսկողության ընթացքում կազմվող տեղեկանքների և հաշվետվության ձևերը, դրանց կազմման և ներկայացման կարգը: «Հարկերի մասին» ՀՀ օրենքի 17.1 հոդվածի և ՀՀ կառավարության 18.02.10թ. «Հարկային մարմնի ներկայացուցիչների նշանակման և ներկայացուցիչների աշխատանքների կազմակերպման հարցերը կանոնակարգելու մասին» թիվ 1487-Ն որոշմանը համապատասխան՝ սույն կարգը կանոնակարգում է հարկ վճա-



րողի մոտ հարկային հսկողություն իրականացնող հարկային մարմնի ներկայացուցիչների կողմից հսկողության ընթացքում տեղեկանքների և հսկողության արդյունքների վերաբերյալ հաշվետվության կազմման ու ներկայացման կարգը:

3.1.2 | Ծրագրեր և կատարողականություն /մաքսային ծառայության մասով/

ՀՀ կառավարության «ՀՀ գործարար միջավայրի բարելավման միջոցառումների ծրագրին հավանություն տալու մասին» 2010 թվականի հունվարի 21-ի թիվ 97-Ն որոշման 2.2 կետով նախատեսված միջոցառման իրականացմանն աջակցելու նպատակով՝ սույն թվականի մայիսի 17-21-ը Հայաստանում է գտնվել Միջազգային ֆինանսական կորպորացիայի փորձագետը, որն արտաքին առևտորի ընթացա-

կարգերի խոչընդոտները բացահայտելու համար հանդիպումներ ե ունեցել ՀՀ ԿՎ ՊԵԿ պաշտոնատար անձանց, մաքսային բրոքերների, տնտեսավարող սուբյեկտների, ՀՀ Էկոնոմիկայի նախարարության, ՀՀ գյուղատնտեսության նախարարության, ՀՀ առևտրարդյունաբերական պալատի, Հայաստանի արդյունաբերողների և գործարարների միության, ինչպես նաև միշտարք այլ գերատեսչությունների համապատասխան ներկայացուցիչների հետ: Այս է կատարվել նաև Բագրատաշենի մաքսային կետ, որտեղ փորձագետին ներկայացվել են մաքսակետում կիրառվող մաքսային ընթացակարգերը: Հանդիպումների արդյունքների վերաբերյալ փորձագետի կողմից կներկայացվի հաշվետվություն:

2010թ. մայիսի 25-ին մասնակություն է ապահովվել Եվրոպական հանձնաժողովի ՏՐՂՍԵԿԱ ծրագրի շրջանակներում ք. Անթալիայում՝ Թուրքական Հանրապետություն, կազմակերպված «ՏՐՂՍԵԿԱ երթուղիների մրցունակություն և աշակցություն առևտորին» խորագրով աշխատաժողովի աշխատանքներին:



3.2 | Ակնարկ գանգատարկումների և ծառայողական քննությունների

3.2.1 | Գանգատարկումներ և ծառայողական քննություններ /մաքսային ծառայության մասով/

20.04.2010թ-ից մինչև 20.05.2010թ-Ն ընկած ժամանակահատվածում ՀՀ ԿՎ ՊԵԿ մաքսային մարմին ծառայողական քննություն անցկացնող հանձնաժողովի կողմից անցկացվել

է թվով 4 ծառայողական քննություն, որի արդյունքում թվով 3 մաքսային ծառայողներ ստացել են նկատողություն, 1 մաքսային ծառայող՝ խիստ նկատողություն:

3.3 | Ուսուցում, մրցույթ և առաջինադացում

3.3.1 | Ուսուցում, մրցույթ և առաջինադացում /հարկային ծառայության մասով/

ՀՀ ԿՎ ՊԵԿ հարկային ծառայության մրցութային և ատեստավորման հանձնաժողովի 09.04.2010թ. որոշմամբ 2010թ. մայիսի 11-ին անցկացվել է ՀՀ ԿՎ ՊԵԿ հարկային (տարածքային) տեսչությունների, Խոշոր հարկ վճարողների հարկային տեսչության և Օպերատիվ-հետախուզության վարչության ատեստավորման ենթակա, սակայն ժամանակավոր անաշխատուսակության պատճառով ատեստավորումից բացակայած հարկային ծառայողների ատեստացիա: Ատեստավորված հարկային ծառայողներից 2-ը մրցութային և ատեստավորման հանձնաժողովի որոշմամբ չեն համապատասխանել գրադեգրած պաշտոնին: Նրանցից 1-ն ազատվել է աշխատանքից, իսկ 1-ը՝ իշեցվել գրադեգրած պաշտոնից:



3.4 | Հետադարձ կապ, մամուլի արձագանքներ և «թեժ գծի» վերլուծություն

3.4.1 | Հետադարձ կապ, մամուլի արձագանքներ և «թեժ գծի» վերլուծություն /հարկային ծառայության մասով/

2010թ-ի մայիս ամսին ՀՀ ԿՎ ՊԵԿ հարկային ծառայության «Թեժ գծով» ստացվել է շուրջ 1800 գանգ, որից 301 բողոք և առաջարկություն: Բողոքների հիմնական մասը վերաբերել է պարզևլավճարների տրամադրման նոր կարգին, պայմաններին, ժամկետներին, մայիսի վիճակահանության շահող թվերին և շահումների տրամադրման կարգին, ինչպես նաև վիճակահանության առնչվող բազմաթիվ այլ հարցերի: Առաջարկությունները հիմնականում վերաբեր

րել են պարզևլավճարների տրամադրման նոր կարգին և պայմաններին: Բողոքների մի մասն էլ առնչվել է «Հսկիչ-դրամարկղային մեքենաների կիրառման մասին» ՀՀ օրենքի պահանջների խախտման փաստերին: Հարցերի մի ստվար խումբ էլ վերաբերել է հարկային օրենսդրությանը: Մասնագիտական պարզաբանումներ ստանալու համար քաղաքացիներին տրամադրվել են համապատասխան բաժինների հեռախոսահամարները:

